

Languet amore.
 60 Num patieris,
 Semper amicam
 Ferre labores
 Exiliumque?
 Nonne vides, quod
 65 Nunc nimius sol
 Urat eam, nunc
 Ymber hyempsque?
 Frigora, nymbos
 Vellet abysse;
 70 Tempora vellet
 Verna redisse,
 Quo revireret
 Gramine terra,
 Vineae flore,
 75 Frondibus arbor;
 Ut resonarent
 Carmine valles,
 Castus et ales
 Leta sonarent¹.
 80 Nunc Aquilonis
 Vis vada stringit,

Et bonus Auster
 Partius obstat.
 Respice, fili,
 85 Quanta laborat.
 Iam neque virtus
 Est parienti,
 Quam modo totis
 Equora ventis
 90 Moverat omnis
 Quadruus orbis.
 Comprime ventos,
 Subtrahe nymbos,
 Frigora pelle,
 95 Redde serenum'.
 Talibus orans
 Ubera nudat,
 Que puer idem
 Suxerat olim.
 100 'Nil michi', dixit,
 'Iure negabit
 Quae tibi matrem
 Gratia fecit'.

VI.

SPONSUS RESPONDET:

'Sicut disposuit pater,
 Sic rerum seriem currere competit,
 Donec pro meritis suis
 Unumquemque suus suscipiat locus.
 5 Quid vult sponsa queri mea?
 Quid tristi facie tempus inhorruit?
 Ni desit sibi mens sua,
 Numquam conqueritur de vice temporum.
 Totum scilicet expedit,
 10 Quod nunc aether humum verberat ymbribus,
 Nunc stridens Aquilo coquit,
 Nunc Phebi radiis Scorpius estuat.
 Nam si defuerint ea,
 Frustra cespitibus semina subruet.
 15 Tunc non inveniet rosas,
 Ad solem folium quae reserant suum.
 Nunquid non fuit utile,
 Quod strinxit glacies arva rigens² mea,
 Ne cultrum caperet meum?
 20 In palma potius scandere praestitit.

1) Lies 'sonaret'. W.

2) Met. XI, 145 'Arva rigent'.